

TULAFONO TAU FAAOFI O AUUPEGA

MALOLOSI 2017

SAMOA

Faamatalaga e Faamalamalama ai

Autu ma mafuaaga:

O le sini autu o le Tulafono Tau Faaofi o le faatonutonuina faalotoifale ma le faamamaluina o le Feagaiga Tau Fefaatauaiga o Auupega ("ATT") lea na sainia e Samoa i le 2013. Ua taulai le silasila a le ATT e faatonutonu faaletulafono le felauaiga faaletulafono o auupega malolosi mai lea atunu i lea atunu ina ia aua ai nei avea le felauaiga o nei auupega malolosi ma faamoemoe e faia ai ni solitulafono faava o malo. Ua faamautinoa la i le Tulafono Tau Faaofi e faapea, o lo o faamausaliina pea le puipuiga ma le taofia o fefaatauaiga lē faatagaina aemaise le ave faananaina o auupega malolosi.

Fuaiupu:

VAEGA 1

FAATOMUAGA

- Fuaiupu 1:** - ua taua ai e faapea, afaia e pasia, o le a taua loa le Tulafono Tau Faaofi, o le Tulafono o Auupega Malolosi 2017, ma o le a amata faamamaluina i le aso e filifilia e le Minisita.
- Fuaiupu 2:** - ua aiaia ai mo le faamatalaina o fuaitau o lo o faaaaogāina i totonu o le Tulafono Tau Faaofi.
- Fuaiupu 3:** - ua aiaia ai e faapea, o le a lē faaaaogāina le Tulafono i le feaveaiga o pulufana ma auupega e lē ogatasi ma aiaiga tau feagaiga, pulufana po o vaega ma mea laiti o aofia ai

mo le faaaogāina e le Malo. E le o aafia ai foi i le Tulafono aia tatau talafeagai i lalo o tulafono faava o malo e faasino i so o se vaa tele o lo o faaaogāina aia tatau e folau ai, ma po o so o se vaa tele po o vaalele o afatia.

VAEGA 2

TULAFONO FAATONUTONU O AUUPEGA MALOLOSI

- Fuaiupu 4:** - ua aiaia ai e faapea, ua filifilia le Matagaluega a le Palemia ma le Kapaneta e avea ma Pulega Agavaa a le Atunu.
- Fuaiupu 5:** - ua faasaina ai se tagata mai le faaulufaleina mai po o le auina atu i fafo o le atunu o so o se auupega malosi, pulufana, po o o latou vaega ma mea laiti o aofia ai vagana ai, mo le faamoemoe o le utaina i luga o vaa po o le uia ai i lalo o se pemita e uia ai se atunu po o le toe utaina i luga o vaa.
- Fuaiupu 6:** - ua faatagaina ai le Ofisa Sili o Pulega (“CEO”) e tuuina atu po o le teena o le tuuina atu o pemita e faaui atu ai po o le toe utaina i luga o vaa o auupega malosi, pulufana po o o latou vaega ma mea laiti o aofia ai e faaui atu i Samoa. Ua aiaia ai foi tulaga e aliae mai pe afaei e mafai ai e le Ofisa Sili o Pulega ona teena le tuuina atu o pemita.
- Fuaiupu 7:** - ua aiaia ai mo manaoga ma taualumaga pe a talosaga se tagata mo se pemita.
- Fuaiupu 8:** - ua aiaia ai tuutuuga e noatia ai se pemita.

VAEGA 3


AIAIGA ESEESE

- Fuaiupu 9:** - ua aiaia ai e faapea, e ao ona tausia e le Ofisa Sili o Pulega faamatalaga e faasino i so o se mataupu ua aofia ai i lalo o le Tulafono, ma faapena foi i le Pule Sili o Tiute (“Pule Sili”) po o se tagata ua ia faatagaina ona tausia faamatalaga

o puipuiga o tuaoi tau le tiute e faasino i so o se auupega malolosi o tausisia aiaiga faa-feagaiga, pulufana po o so o sona vaega po o mea laiti o aofia ai o lo o faaui atu po o toe utaina i luga o vaa.

- Fuaiupu 10:** - ua tuuina atu ai le malosiaga i le Ofisa Sili o Pulega po o se tagata ua faatagaina e le Ofisa Sili o Pulega, e suesueina ma asiasi so o se auupega malosi, pulufana po o so o sona vaega po o mea laiti o aofia ai o lo o faaui atu po o ua toe utaina i luga o vaa, po o le suesueina o so o se tulaga ua solia ai le Tulafono.
- Fuaiupu 11:** - ua tuuina atu ai le malosiaga i le O Le Ao o le Malo e faia ai Tulafono Faatonutonu i le faia i luga o le fautuaga a le Kapaneta, ma le faamaoniga o pepa faatumu i lalo o lenei Tulafono e le Ofisa Sili o Pulega.
- Fuaiupu 12:** - ua aiaia ai mo se teuteuga faatupulaia e ao ona faia i le fuaiupu 6(3) o le Tulafono o Auupega 1960.

Faamatalaga:



(Hon TUILAEPA Auelua Fatialofa Lupesoliai Lolofietele

Neioti Aiono Galumalemana Dr. Sailele Malielegaoi)

PALEMIA

**TULAFONO TAU FAAOFI O AUUPEGA
MALOLOSI 2017**

SAMOA

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu
3. Faaaogāina

**VAEGA 2
FAATONUTONUINA FAALETULAFONO
O AUUPEGA MALOLOSI**

4. Pulega Agavaa a le Atunu
5. Faasaina ma le faatapulaaina o le faaulufale mai po o le auina atu i fafo o auupega malolosi
6. Pemita
7. Talosaga mo pemita
8. Tuutuuga mo pemita

**VAEGA 3
AIAIGA ESEESE**

9. Teuina o faamaumauga
10. Asiasiga ma suesuega
11. Tulafono Faatonutonu ma pepa faatumu
12. Teuteuga faatupulaia

Faamatalaga

2017, Nu.

O SE TULAFONO TAU FAAOFI UA TAU

**O SE TULAFONO e faamalosia ai le Feagaiga o le Fefatauaiga o Auupega ma
mo faamoemoega e fesootai i ai.**

UA FAIA e le Fono Aoao Faitulafono a Samoa i totonu o le Palemene ua potopoto
e faapea:

**VAEGA 1
FAATOMUAGA**

1. Igoa puupuu ma le amataga:

- (1) E mafai ona taua lenei Tulafono o le Tulafono o Auupega Malolosi 2017.
- (2) O lenei Tulafono e amata faamamaluina i se aso e filifilia e le Minisita.

2. Faamatalaina o uiga o upu:

I totonu o lenei Tulafono, ae vagana ai ua manaomia e le mataupu se isi uiga e ese ai:

“ututau” o lona uiga:

- (a) mo so o se auupega laitiiti ma fana laiti feaveai gofie, o le fusi ututau atoa po o mea laiti o aofia ai i ututau, e aofia ai se pusa ututau, vaega o fana e faapa ai ututau, vaega e oomi ai le amoti, pulu pauta, pulufana po o le amoti, lea o lo o faaaogā i ituaiga tamai fana eseese po o fana laiti feaveai gofie, po o so o se auupega malosi o lo o i le lisi o le faasologa i le Faamatalaga; ma
- (b) mo so o se auupega malosi o lo o i le lisi o le Faamatalaga, o ututau e faapaina pe faaaogā i lea auupega malosi.

“tamai fana ma fana laiti feaveai gofie o so o se ituaiga e teu faasuvenia” o lona uiga o so o se ituaiga tamai fana ma fana laiti feaveai gofie na gaosia i le vaitaimi o le 1899 po o tua atu;

“taavale tau o osofaiga” o lona uiga o so o se taavale e tuliloa ai po o taavale e aveina po o le faatonutonuina o lo o faaauupegaina mo puipuiga ma le mafai gafatia i le mamao fuafuaina:

- (a) ua faatulaga ma faaauupegaina e feaveai ai se vaega faapitoa o fitafita a itiiti mai e toafa (4); po o
- (b) ua faaauupegaina i auupega faapitoa i totonu po o auupega e faaaogā i le lauelele a itiiti mai e 12.5 milimita o pulu lapopoa po o se fana e faatonutonu ai le faapaina o pomu.

“helikopa mo osofaiga” e aofia ai so o se vaalele tau ua taua i lalo o lo o i ai tagata ma vaalele tau e le o i ai ni tagata peitai o lo o avea ma fesootaiga i le va ma isi vaega-au:

- (a) vaalele tau e i ai le auvaa ma e mafai ona fesuisuiai tulaga o apaapa, ua faaauupegaina po o ua faatonutonu e faafetaiaia le fili e ala i fana pomu faatonutonu mo se faatamaiaga, auupega e faatonutonu i luga o le ea, po o auupega e faaaogā i taua i luga o le ea ma faaauupegaina e faatonutonu mai le lauelele le fanaina ma le faiga e faapaina ai, e aofia ai ituaiga vaalele tau eseese ia o lo o faatinoina le mataituina o foliga vaaia o le i ai o le fili, po o

le puipuiga o le fusi o fesootaiga faaeletoroni mai le osofaiga; po o

- (b) vaalele tau e leai se auvaa peitai e mafai ona fesuisuiai tulaga o apaapa, ua faaauupegaina po o ua faatonutonuina e faafetaiai ai le fili e ala i auupega faatonutonu i luga o le ea, po o auupega e faaaogā i taua i luga o le ea, ma auupega e faatonutonu mai le laueelele le fanaina ma le faiga e faapaina ai.

“Pulega” o lona uiga o le Pulega Agavaa a le Atunuua lautogia i lalo o le fuaiupu 4;

“tane tau” o lona uiga o so o se taavale tau o le laueelele po o taavale tau e faatonutonu lava e ia lava e matua maualuga le malupuipua e fealuai i so o se itu o le laueelele, o le mamafa a itiiti mai e 16.5 tone pe a aunoa ma ni tagata e i ai, o lo o i ai faatasi ma le malosi e faapaina ai pulufana a itiiti mai e 75 milimita le telē o le pulufana;

“Ofisa Sili o Pulega” po o le “CEO” o lona uiga o le Ofisa Sili o Pulega mo le Matagaluega e nafa ma lenei Tulafono;

“vaalele tau”:

- (a) o lona uiga o se vaalele tau lea e aofia ai so o se vaalele o i ai pe leai foi ni tagata e faatonutonuina mai le laueelele -
- (i) vaalele tau e i ai le auvaa po o vaalele e fesuisuiai tulaga o ona apaapa, ua fuafuaina, faaauupegaina po o ua fesuiiai ina ia faafetaiai ai so o se fili e ala i le faaaogāina o so o se fana pomu faatonutonu, loketi, pomu, fana, fana lapopoa po o so o se isi lava auupega tau faatamaiaga, e aofia ai vaalele tau eseese ia o lo o faatinoina le mataituina mo foliga vaaia o le i ai o le fili po o le puipuiga o le fusi o fesootaiga faaeletoroni mai le osofaia, puipuiga faamalosi o luga o le ea po o galuega o le mataituina o foliga vaaia o le fili;
- (ii) vaalele tau e leai ni auvaa po o vaalele tau e fesuisuiai tulaga o apaapa ua fuafuaina, faaauupegaina po o ua faaleleia ina ia faafetaiai ai so o se fili e ala i le faaaogāina o so o se fana pomu faatonutonu, loketi, pomu, fana, fanafanua po o isi auupega o faatamaiaga; peitai

(b) e lē aofia ai vaalele mo faataitaiga i luga o le ea, vagana ai ua fuafuaina, faaauupegaina po o ua faatonutonuina e pei ona faamatalaina i le parakalafa (a).

“auupega malolosi” o lona uiga o so o se auupega ua taua i totonu o le Faamatalaga;

“fana pomu tetele faatonutonu” o lona uiga o so os e fana, fana pomu o le ituaiga o le howitzer, vaega feaveai o fana lapopoa, tuufaatasiga o vaega o se fana po o se fana pomu, fana faatonutonu alu mamao i luga o le ea po o ituaiga pomu eseese e faaaogā i loketi, e mafai ona faafetaiai ai le fili i luga o le ea e ala i le faatonutonuina o le faapaina o pomu e pa salalau, o ona pulu e 75 milimita le telē ma sili atu;

“fana laiti feaveai gofie” o lona uiga o so o se fana taavili, fana e amo ma masini e faatonutonu ai pomu ma fana pomu mai tane tau ma loketi, masini feaveai e faatonutonu ai pomu mai vaalele tau, ma masini faatonutonu e faapa ai fana i le laueelele o tane tau ma loketi faatonutonu, masini feaveai e faapa ai loketi o lo o i ai pomu faatonutonu, ma ituaiga fana e eseese le lapopoa e itiiti ifo na i le 100 milimita;

“loketi o lo o feaveaia pomu faatonutonu alu mamao ma masini e faapaina ai pomu faatonutonu alu mamao”:

(a) o lona uiga -

(i) o so o se auupega faatonutonu faamiliteri e mo faatamaiaga i taua, saoasaoa po o loketi o lo o ave ai pomu po o auupega e mafai ona tauaveina se pomu po o auupega o faatamaiaga i se mamao a laitiiti mai e 25 kilomita, ma ua fausia po o ua suia faapitoa lava mo le fanaina o pomu po o loketi, pe afai e le o aofia ai meataitasi ua taua i le parakalafa (a) e oo i le (e) ma le (i) o le Faamatalaga, e aofia ai vaalele tau faatonutonu ua fausia faapitoa mo loketi o lo o tauaveina pomu; po o

(ii) auupega feaveai e fitafita mo puipuiga;

(b) e lē aofia ai loketi o lo o tauaveina pomu.

“tamai fana ” o lona uiga o so o se fana gutu ono, tamai fana otometi, pulusila, fana otometi māmā, fana taavili laitiiti, pulusila mo osofaiga po o fana taavili laiti;

“tamai fana ma fana laiti feaveai gofie”:

- (a) o lona uiga o so o se auupega matautia e mafai ona feaveai e se tagata e togi pe faapa, lea ua fausia ina ia togiina pe faapaina (po o e mafai ona suia ina ia togiina po o le faapaina) se pa o se pulu, so o se pulufana po o le togiina e ala i le faatinoga o se mea ua faapaina; ma
- (b) e aofia ai so o se meataitasi ua taua i le parakalafa (f) ma le (h) o le Faamatalaga; peitai
- (c) e lē aofia ai so o se fana laitiiti o teu faasuvenia ma fana laiti feaveai gofie po o o latou vaega faaleoleo.

“fesiitaiga” o lona uiga o le feaveaiga faava o malo o auupega malolosi, ututau, po o so o sona vaega po o mea laiti o aofia ai;

“pemita e uia ai po o pemita e lauina ai i uta a vaa po o pemita” o lona uiga o se pemita ua tuuina atu i lalo o le fuaiupu 6;

“uia” o lona uiga o le felauaiga po o le feaveaiga o auupega malolosi, ututau po o o latou vaega po o mea laiti o aofia ai, e ala atu i Samoa agai i se isi atunu;

“lauina i luga o uta a vaa” o lona uiga o le feaveaiga o auupega malolosi, ututau po o o latou vaega po o mea laiti o aofia ai, e ala atu i Samoa agai i se isi atunu tau fefaatauaiga, pe afai o lo o feaveai atu oloa mai auala tau felauaiga o lo o faaulufale mai ai i auala tau felauaiga o lo o auina atu ai i fafo;

“vaa tau” o lona uiga o so o se vaa po o vaa maulu ua faaauupegaina ma tapenaina mo le faaaogāina faamiliteri i se mamafa faatulagaina a itiiti mai e 500 tone, po o vaatau ia o o latou mamafa faatulagaina a itiiti mai e 500 tone, ua tapenaina i meafaigaluega mo le faapaina o pomu po o pomu e faapaina mai lalo o vaa maulu i le mamao a itiiti mai e 25 kilomita le mamao.

3. Faaaogāina:

- (1) O lenei Tulafono:

- (a) e lē faaaogāina i le feaveaiga o pulufana ma auupega malolosi, pulufana po o o latou vaega ma mea laiti o aofia ai mo le faaaogāina e le Malo, pau o lea, ia tumau pea ona i ai le puleaina o auupega malolosi, pulufana po o ona vaega ma mea laiti o aofia ai, i le Malo; peitai
- (b) e faaaogā pe afai o lea feaveaiga o le a solia ai le fuaiupu 6(2).
- (2) E noatia le Tulafono o Auupega 1960 i le fuaiupu 6(2)(a)(i) o lenei Tulafono.
- (3) E leai se mea o i totonu o lenei Tulafono o le a aafia ai se aia tatau ua ttau i lalo o tulaga faava o malo:
 - (a) o le aia tatau e feaveai ai i luga o vaa mai lea atunuu i lea atunuu e uia ogasami o Samoa;
 - (b) o le aia tatau e uia ai e vaa o atunuu i lalo o tulafono faava o malo e ala atu po o luga ae o so o se vainuu o lo o faaaogāina mo folauga faava o malo;
 - (c) so o se aia tatau a so o se vaa po o se vaalele o afatia.

VAEGA 2
FAATONUTONUINA FAALETULAFONO
O AUUPEGA MALOLOSI

4. Pulega Agavaa a le Atunu:

Ua filifilia le Matagaluega o le Palemia ma le Kabeneta e avea ma Pulega Agavaa a le Atunu mo faamoemoega o lenei Tulafono.

5. Faasaina ma le faatapulaaina o le faaulufale mai po o le auina atu i fafo o auupega malolosi:

- (1) E lē tatau i se tagata ona faaulufale mai po o le auina atu i fafo mai Samoa o so o se auupega malosi po o ututau po o o latou vaega ma mea laiti o aofia ai, vagana ai o lalo o se pemita e faaui atu ai po o le toe utaina i luga o vaa.
- (2) Ua faia e se tagata se soligatulafono o ia lea ua ia lē usitaia le faafuaiupu (1), ma e noatia i luga o moliaga ua faamaonia faaletulafono:

- (a) mo se tagata e toatasi, o se sala tipe e lē silia le 100 iunite tau faasalaga po o le nofosala i le falepuipui mo se vaitaimi e lē silia le 10 tausaga, po o faasalaga uma e lua; po o
- (b) mo se faalapotopotoga ua tuufaatasia faaletulafono, o se sala tipe e lē silia le 1,000 iunite tau faasalaga.
- (3) Afai ua faia o se soligatulafono e se faalapotopotoga ua tuufaatasia faaletulafono i lalo o lenei fuaiupu ma ua faamaonia e faapea o le soligatulafono:
 - (a) na faia i le i ai faatasi ma le maliega ma taupulepulega lē sao a; po o
 - (b) na mafua ai so o se tulaga faatamala i le itu o, so o se faatonu, pule po o isi tagata ofisa faapena o le faalapotopotoga ua tuufaatasia faaletulafono, po o so o se tagata ua faamoemoe e galue i lea tulaga, ua faapea foi ona faia e lena tagata le soligatulafono ma e noatia i faasalaga tau tipe i lalo o le faafuaiupu (2)(a).

6. Pemita:

- (1) E mafai e le Ofisa Sili o Pulega:
 - (a) i luga o se talosaga, ona tuuina atu se pemita e faaui atu ai po o le toe utaina i luga o vaa, i le i ai po o le aunoa ai o ni tuutuuga, e faaopoopo atu i tuutuuga o lo o i le fuaiupu 8, e faatagaina ai lē o umia le pemita ina ia faaui atu po o le toe utaina i luga o vaa o auupega malolosi, ututau po o o latou vaega ma mea laiti o aofia ai e ala atu i Samoa; po o
 - (b) le teena o le tuuina atu o se pemita.
- (2) E lē tatau i le Ofisa Sili o Pulega ona tuuina atu se pemita pe afai:
 - (a) o le tuuina atu o lea pemita o le a -
 - (i) solia ai noataga o Samoa e tusa ai ma auala e faatonutonu ai ua faaaogāina e le Fono o Puipuigamalu a Malo Aufaatasi, i le faia i lalo o le Mataupu VII o le Feagaiga Tusia a Malo Aufaatasi, e aofia ai le faasaina o fefaatauaiga o auupega malolosi; po o

- (ii) le solia ai o noataga faava o malo a Samoa i lalo o so o se maliega, feagaiga tusitusia, maliega tau le va o Malo po o maliega faa-feagaiga o lo o avea ai Samoa ma se tasi o vaega auai; po o
- (iii) e lamatia ai le puipuigamalu faaitulagi ma faaleatunuu ma le tulaga mautu ma atinae; po o
- (b) ua iloa e le Ofisa Sili o Pulega e faapea, o le a faaaogāina auupega malolosi po o ututau po o o latou vaega ma mea laiti o aofia ai -
 - (i) i le faataunuina o le fasiotiga o se vaega toatele o tagata; po o
 - (ii) solitulafono e faia faasaga i tagata soifua; po o
 - (iii) le soliga matuia o le Feagaiga i Sineva o le 1949; po o
 - (iv) osofaiga tuusao e faasaga tonu i meatotino a tagata po o tagata lautele o puipuia faapena; po o
 - (v) isi solitulafono o taua e pei ona faamatalaina i so o se maliega faava o malo, feagaiga, maliega tusitusia po o maliega faa-feagaiga o avea ai Samoa ma vaega auai; po o
 - (vi) so o se gaoioiga faaterorisi e pei ona faamatalaina i lalo o le Tulafono e Taofia ai Faiga Faaterorisi 2014.
- (3) O le malosiaga e tuuina atu ai se pemita e aofia ai le malosiaga e taofia lē tumau ai, suia po o le faalēaogāina po o, le faaee atu o isi tuutuuga o le pemita.

7. **Talosaga mo pemita:**

- (1) E mafai e se tagata ona talosaga i le Ofisa Sili o Pulega mo se pemita e faaui atu ai po o le toe utaina i luga o vaa.
- (2) E ao:
 - (a) ona faia le talosaga a itiiti mai e fa (4) vaiaso a o lumanai ai le faaui atu po o le toe utaina i luga o vaa; ma
 - (b) e aofia ai tulaga nei -

- (i) o totogifuapauina faatonuina mo le talosaga ma le pemita; ma
 - (ii) se tusi faamaonia e ave ai i tua mai leoleo po o so o se isi lava pulega talafeagai mai le atunuu na auina mai ai auupega malolosi, ututau po o o latou vaega po o mea laiti o aofia ai; ma
 - (iii) se lisi o le faasologa o igoa o auupega malolosi, ututau po o o latou vaega po o mea laiti o aofia ai ia ua toe utaina i luga o vaa, faaui atu po o le felauai atu;
 - (iv) so o se isi lava faamatalaga faatonuina.
- (3) I le avea ai ma tuusaunoaga i le faafuaiupu (2)(a), e mafai e le Ofisa Sili o Pulega ona iloiloina talosaga faapitoa i le fa (4) vaiaso e pei ona manatu o ia ua talafeagai ai.
- (4) A o lumanai ai le faia o se faaiuga o le tuuina atu o se pemita, o le Ofisa Sili o Pulega:
- (a) e ao ona ia feutagai ma i latou nei -
 - (i) o le Minisita e fitoitonu ma le Ulufale Mai (Femalagaaiga);
 - (ii) o le Komesina o Leoleo;
 - (iii) o le Ofisa Sili o Pulega e nafa ma le Matagaluega mo Tupe Maua;
 - (b) e mafai foi e le Ofisa Sili o Pulega ona feutagai ma so o se isi lava lala sooupū talafeagai a le Malo ua manatu o ia ua alagatatau ai.

8. **Tuutuuga mo pemita:**

E noatia se pemita i tuutuuga uma nei:

- (a) mo le faaui atu o so o se auupega malosi, ututau po o sona vaega po o mea laiti o aofia ai, e ao ona tumau ai pea i luga o le vaa mo le vaitaimi atoa e femalagaaai ai i ogasami faava o malo o Samoa;
- (b) mo le toe utaina i luga o vaa o so o se auupega malosi, ututau po o sona vaega po o mea laiti o aofia ai, e toe utaina i luga o se isi vaa po o se vaalele i se taulaga e faaulufale mai ai po o le malae vaalele i

totonu o Samoa, peitai e ao ona auina atu i fafo a o lumanai ai le faiuga o le vaitaimi e 30 aso mai le aso na faaulufale mai ai;

- (c) ua maea ona fuafuaina le atunuu e auina atu i ai, le nofoaga e toai taunu i ai auupega malolosi, ututau po o so o sona vaega po o mea laiti o aofia ai, i le maea ai ona auina atu i fafo mai Samoa, a o le i muai auina atu i fafo e tusa ai ma feuiaiga faapisinisi lea na mafua ai ona faaui atu po o le toe utaina i luga o vaa, ma e le i toe suia a o le i auina atu i fafo mai Samoa, po o ua toe faafoi atu auupega malolosi, ututau po o o latou vaega po o mea laiti o aofia ai, i le atunuu na auina ese mai ai;
- (d) o auupega malolosi, ututau po o so o se tasi o ona vaega po o mea laiti o aofia ai o lo o fesiligia, na auina mai e le atunuu na auina ese mai ai, e tusa ai ma a latou tulafono o lo o faatonutonuina ai faaletulafono le Feagaiga o Fefaatauaiga o Auupega.

VAEGA 3 AIAIGA ESEESE

9. Teuina o faamaumauga:

E ao ona teuina faamatalaga mo faamoemoega o lenei Tulafono e i latou nei:

- (a) o le Ofisa Sili o Pulega e tusa ai ma faamatalaga o i totonu o se tusi talosaga mo se pemita; ma
- (b) le Pule Sili o Tiute po o se tagata faatagaina e le Pule Sili o Tiute, mo faamatalaga e maua mai i le vaega o tiute e puipuia tuaoi e uiga i so o se auupega malosi, ututau po o so o sona vaega po o mea laiti o aofia ai o lo o faaui atu po o le toe utaina i luga o vaa i lalo o lenei Tulafono.

10. Asiasiga ma duesuega:

- (1) E mafai e le Ofisa Sili o Pulega po o se tagata ua faatagaina e ia ona asiasi so o se auupega malosi, ututau po o sona vaega po o mea laiti o aofia ai i le faaui atu po o le toe utaina i luga o vaa i lalo o lenei Tulafono.

- (2) O le a lē aafia i le faafuaiupu (1) so o se matafaioi a se Matagaluega po o se lala sooupu a le Malo i lalo o so o se tulafono, e asiasia ai so o se auupega malosi, ututau po o sona vaega po o, mea laiti o aofia ai o lo o faaui atu po o ua toe utaina i luga o vaa po o, i totonu o Samoa.
- (3) E mafai e le Ofisa Sili o Pulega po o isi tagata ofisa ua faatagaina e ia, ona suesueina po o ua lē usitaia lenei Tulafono.
- (4) O lenei fuaiupu o le ā lē aafia ai le malosiaga:
 - (a) o se leoleo e suesueina ai se soligatulafono ua faia i lalo o lenei Tulafono; po o
 - (b) malosiaga o tagata ofisa o le Tiute i lalo o le Tulafono o le Ofisa o Tiute 2014; po o
 - (c) le Faatonu Sili po o le Ofisa Faafoe Moliaga a le Malo e molia ai so o se soligatulafono i lalo o lenei Tulafono.

11. Tulafono Faatonutonu ma pepa faatumu:

- (1) E mafai e le O Le Ao o le Malo, i le faia i luga o le fautuaga a le Kabeneta, ona faia tulafono faatonutonu ia e alagatatau ona faamamaluina ai, po o mo faamoemoega o lenei Tulafono, ma aemaise ai le faia o so o se tasi po o tulafono faatonutonu uma nei:
 - (a) e faavaeina ai se Faiga Faatonutonu a le Atunuu mo le Pulega e faatonutonuina ai faaletulafono le faaulufaleina mai ma le auina atu i fafo o auupega malolosi;
 - (b) e faatonuina ai soligatulafono mo tulafono faatonutonu ma faasalaga mo sala tupe e lē silia le 100 iunite tau faasalaga po o le nofosalu i le falepuipui mo se vaitaimi e lē silia le 10 tausaga;
 - (c) e faatonuina ai totogifuapauina mo lenei Tulafono i le noatia ma le fai fuafua i uluai faamaoniga a le Komiti Faatino o Tupe Maua a le Atunuu;
 - (d) e faatonuina ai isi tuutuuga;
 - (e) e faatonuina ai isi taualumaga, mo faamoemoega o lenei Tulafono.

- (2) E mafai e le Ofisa Sili o Pulega ona faamaonia pepa faatumu mo lenei Tulafono.

12. Teuteuga faatupulaia:

I totonu o le fuaiupu 6 o le Tulafono o Auupega 1960, mo le faafuaiupu (3), ia suia e faapea:

- “(3) O le Tagata Ofisa e feagai ma Auupega:
 (a) e mafai ona ia faalēaogāina so o se pemita e faaulufale mai ai fana ua tuuina atu i lalo o lenei fuaiupu; po o
 (b) e lē tatau ona ia tuuina atu se pemita e faaulufale mai ai fana i lalo o lenei fuaiupu,
 pe afai ua lē usitaia le fuaiupu 6(2) o le Tulafono o Auupega Malolosi 2017.”.

(Fuaiupu 2)

Lisi o le faasologa o igoa o auupega malolosi

- (a) Taavale tau
 - (b) Helikopa mo osofaiga
 - (c) Tane tau
 - (d) Vaalele mo osofaiga
 - (e) Faiga e faatonutonu ai pulu o fana tetele
 - (f) Fana laiti feaveai gofie
 - (g) Meatau faatonutonu alu mamao ma ona totoga
 - (h) Auupega laiti
 - (i) Vaatau o le sami
-